

RAZALEIGH GESA TOLAK PEMBANGKANG



BALING, Isnin. — Menteri Kewangan, Tengku Razaleigh Hamzah semalam menggesa rakyat Baling menolak parti pembangkang yang sengaja menimbulkan perpecahan dengan menimbulkan isu-isu yang membingungkan rakyat.

Katanya, parti pembangkang sebenarnya tidak mempunyai program yang tersusun rapi untuk merancang projek-projek pembangunan kepada rakyat jelata.

Tetapi mereka, ujarnya, hanya sengaja cuba menimbulkan kacau bilau demi kepentingan politik mereka yang sempit.

Tengku Razaleigh berkata, rakyat kini tidak dapat diperdayakan oleh mereka dengan mudah.

Rakyat, ujarnya, tahu menimbang dengan teliti Kerajaan yang mana sepatutnya dipilih untuk mewakili mereka.

Tengku Razaleigh menegaskan demikian semasa berucap dalam satu perhimpunan stik di Sekolah Menengah Kuala Pegang dekat sini.

Menteri Kewangan berkata, manifesto Barisan Nasional yang dibentangkan oleh Perdana Menteri, Datuk Seri Dr. Mahathir Mohamad membuktikan bahawa Kerajaan BN sesungguhnya berhasrat untuk membawa lebih banyak rancangan pembangunan kepada rakyat.

Tengku Razaleigh menggesa rakyat meneliti segala program yang terkandung dalam manifesto BN itu.

Bellau menyeru rakyat Baling supaya membuat pilihan yang tepat dalam pilihan raya 22 April ini.

Katanya, dalam manifesto itu Perdana Menteri mengemukakan 29 perkara menyentuh berbagai aspek termasuk projek pembangunan yang lebih berkesan untuk faedah rakyat.

Tengku Razaleigh berkata, jika rakyat menolak manifesto itu, ini bererti Kerajaan BN tidak akan dapat meneruskan rancangan pembangunan yang telah dirangka.

Manifesto Barisan

Memandang keadaan itu, bellau menegaskan, rakyat perlulah memberi sokongan bulat mereka kepada Kerajaan baru di bawah pimpinan anak Kedah, Datuk Seri Dr. Mahathir.

Katanya, Kerajaan Barisan Nasional di bawah pimpinan baru itu berkehendakkan mandat sepenuhnya dari rakyat.

Bellau berkata, seorang pucuk pimpinan yang baru tidak mungkin dapat melaksanakan pembangunan seterusnya kepada rakyat tanpa mendapat sokongan kuat dari mereka.

Tengku Razaleigh menambah, sokongan seperti itu juga sudah pasti dapat mendorong keazaman Barisan Nasional bekerja lebih keras demi kepentingan rakyat.

Datuk Seri Dr. Mahathir katanya, berkehendakkan sokongan rakyat untuk BN memenangi lebih 3/4 kerusi Dewan Rakyat dan Dewan Undangan Negeri.